

# 서 문

무릇 사람이 세상에 나서 해 놓고 가야 할 많은 일들이 있다. 그 중 하나가 家門事를 기록하는 일이다.

나라에는 國史가 있어 수천년 영고성쇠를 한눈에 보며 과거를 알고 오늘을 닦아 미래를 열듯이,  
이,

家門에는 族譜라는 家史를 밝힌 것이 있어 조상을 알고 나를 닦아 후손의 장래를 밝게 열수있음이라.

한 시대의 국가적 슬한 변란과 경제적 피폐로 인하여, 한동안 가사를 바꾸지 못하다가 늦은감이 없지 않은 이즈음에 가세보를 편수케 되니 어찌 마음이 기쁘지 아니 하겠는가.

이 후에는 모든 族親이 각별한 관심을 가져 조상들의 바름은 더욱 밝고 밝게 가꾸고 잘못됨은 깨달아 개선토록 후손들에게 늘상 교육시켜 자긍심을 가지고 성장토록 하여 훌륭한 가문으로써 속이어 지기를 바란다.

무슨 일에도 그 근본이 있듯이 인간 또한 근본을 바로 알지 못하면 추생과 같을지니 항상 孝에 본을 두고 상하를 분별하여 사람의 바른 삶을 살지라.

이에 忠이 생기고 仁·儀·禮·智·信이 따름을 명심 또 명심하라.

一九九二年 六月

二十九世孫 敏圭 (根洙)

舊譜序文

丁酉始創譜序

惟我 月城之崔 出自羅初 聞人名公 代起輩出 至本朝 簪纓相繼 尚綿綿不絕 獨恨夫收  
 宗合族之大譜闕焉 上以所自出之始 傍焉所合系之統 殆無所考證 至於不知何人之歸 往往  
 己卯高王考 觀察公 按湖西 慨然謀所以鋪張譜事 庸備累百載闕文 而事未及成 遽損館  
 逮我先王考之自慶州移典嶺縣也 追念先志 思述遺事 而未及按節 而先又下世 痛何言哉  
 顧念歲月愈久 子姓之零替 日以甚 宗支之派分 派分代漸疎 若不及時以成則 安知其後日  
 之又不如今也 不肖後孫 公倣為是之懼 與族叔金浦倅 星鎮氏 族叔遠鎮氏 日夜區劃  
 鳩合如干財力而謹考世傳家乘之所載 旁求京外宗人之所莊粗軟 明其統而紹其緒 正其訛而斷  
 其例 付之剞劂裝成二冊 觀于斯譜 不但孝悌之心 油然而生 念我兩世未成之遺志 獲成  
 于今日 抑亦事有時而然也 豈不悲且幸歟 從今以往 雲仍耳孫 倘能世益蕃衍 而襲訓揚  
 聲 昌大其門戶則 斯譜之廣 必不止 於是而已 竊以時望於後人云爾

當宁丁酉夏五月(當宁는 正祖이여 一七七七年임)

後孫 公倣 謹序

乙丑譜序文

氏族之有譜何也 譜所以泝本源而序昭穆 敦宗睦族之誼 自在乎中 顧不重且大歟 我東古家

世族 莫不有譜而惟我月城之崔 亦以三韓大姓 獨無譜牒 其爲先世之未遑而後裔之欠慨者 爲如何哉 吾宗自新羅元輔公諱殷舍爲鼻祖 而高麗門下侍中清河侯謚文貞公諱承老 至麗季信川監務公諱清 赫世簪纓 監務公當我朝龍興 召以左贊成 不起退去豐壤 自號觀稼亭 杜門屏跡以終寔於余十三代祖也 竊想自清河侯以後 支分派別 子孫之繁衍 將不知其幾何 而第緣屢經兵燹 文獻無徵 各家私錄只載本宗 畧於他派 惟有苗雲海雲二公諱字而亦無錄及子孫二公乃是判奉常寺公諱子雲之行 而其後裔之爲某居住之 于何寥寥無聞焉 且自觀稼亭以後世序愈遠雲仍漸微 於鄉於落 之東之南 派分莫辨 昭穆不明則敦睦之誼 何從而生乎 往在丁酉 再從兄公伋汝因甫 發通京外 收聚譜單 與果川宗人 井力入梓 誠出二卷譜 而記載踈漏 訛謬亦多 猶未爲完粹之本 不佞竊常想慨恨 有意更修 與族從侄元柱 相議經紀者殆數十年于茲矣噫慶州即 吾宗之本鄉也 曾聞以崔爲姓 羣居嶺邑者 甚繁云 而未嘗見知猶未信的 今春元柱有事南下 余語之曰 若遇宗人之明的而該事者 商議圖成完譜爲言矣 幸逢苗雲公之苗裔 及學生公諱光潤之子孫 相與袁梓校正合爲一譜 而學生公即觀稼亭之曾孫派云 余聞而喜曰 疏者親而遠者近 支分派流 瞭然於一編之中 故所謂 孝悌之心 油然而生者 非虛語也 嗚呼余以病老之人 未得効力於剗刷之役 使元柱獨尸其事 詳畧規例克成完譜 其誠勤賢勞 可感而可尚也 雖自知拙於文辭 不合弁卷而不可無一而識之 畧叙其顛末如右云爾

聖上即位五年仲冬(聖上은純祖이며一八〇五年임)

後孫 公漢 謹序



## 丁丑譜序文

月城崔氏 修其族譜而刊之 因金君裕淵請序于余 金君即 其外裔而謂余爲外舅者 余固陋拙 無文 顧安得而終辭也 按崔氏 著自新羅 而高麗有文貞公諱承老 相成宗 疏陳時務 以斥 佛崇儒爲第一義 監務公諱清 麗運訖 我朝召以左贊成 杜門以歿 而至忠毅公諱夢亮 光海 政亂退居不仕 仁祖丁卯以義州判官 殉節于虜難 其弟夢稷及從子浩濬 從以死之 嗚呼偉哉 何其世傳忠義若是卓也 文貞公當舉世崇奉異教之時 以告於其君者 獨能守正則 其守於身而 教於家者 固有可知根深枝茂 源遠川豐 其理信然矣 人之閱是譜者 宜有所激仰感歎 况譜 於是者耶崔氏諸族 不以此來官達之少自沮 而各自勗勵 思所以無忝則 豈不能昌大其門乎 今余序于斯譜 而引歐蘇諸說以勉之則 不免爲贅故 畧述其世德如此焉

崇禎紀元後四丁丑仲夏日(一八一七年)

恩津 宋穉圭 序

## 壬辰譜序文

我東古重世族 羅代六部之裔 冠冕海東 崔氏之祖高墟 而貫慶州者即其一也 赫居闕國 有 佐命之功 儒理改部爲沙梁之祖 此仁人君子之積功蓄德 以垂裕後世而宜其承休趾美 世厥家 聲有若文昌侯出而文章學術大鳴於唐朝 俎豆乎聖廡 迄今千有餘年 遺澤不泯 崇儒之文貞 罔僕之稼亭 忠毅之四節同時 觀察之兩世飛英 一何焉赫於當世 欽式於后人也 斯非嚙谷管 皆清韻玄圃之玉 無頑礦者耶 今其后孫 合謀修譜 攷諸國史 叅諸列傳 溯文昌而達高墟



如木之千柯萬葉 始於一根 如水之千派萬流 始於一源 原始及本則千萬年一日也 千萬人一身也 蘇老泉曰 觀吾譜者 孝悌之心 可以油然而生 嗚呼 豈獨蘇譜也哉

崇禎四壬辰仲夏 日(一八三二年)

判書珍城后人 李彥淳 序

### 甲戌譜序文

譜者 譜其族而族者 始分于一人之身 二世三世延為百千萬派 遂至路人 非其譜則從何以誌先祖之世德 後孫之昭穆乎 此蘇明允之慨然於斯 而譜之所由作也 蓋其為法也 必謹乎序氏族明本支而於其所自出 尤為致詳焉 不然 亦何以譜為 崔君榮敏甫 與其族侄鶴基甫 是用為懼因舊譜而重刊之 閱其無文 來請於余 雖固陋以若世誼之知舊 顧安得以終辭也 謹按月城崔氏之姓 始於辰韓沙梁部而六部大姓 三韓上名族也 自新羅至高麗 有文昌侯最著 諱致遠字孤雲號海雲是也 先生入仕于唐 還歸東國 名動天下 實是吾東方理學之祖宗 孰不欽慕耶 文貞公諱承老 相成宗 以斥佛崇儒為時務 觀稼亭公諱清 至麗運之訖 我朝召以贊成 不就 杜門以終至忠毅公諱夢亮 不仕光海朝 仁祖丁卯 以義州判官 殉節于虜難 其弟夢稷與從子浩濬 從以死之 一門四忠前世罕有 載之史乘 炳若日星 尚凜凜起人于百世之下 後有名公巨卿 世世相承 不可盡記 此鼻祖海雲先生 夙德餘聲乎 嗚呼 雲仍散四方 其麗不億 不以此來冠冕之小自阻 各油然生孝悌之心 勤勵合譜 上以述祖宗之文獻 下以明子孫之敦睦 則於斯譜也 足以陳世德 述家風而豈無昌大之理乎哉 噫余於是譜 奚特叙其事而已耶 崔氏諸族 先駕尊祖睦族之風萬一焉

崇禎紀元後五乙亥仲夏上澂（一八七五年）

資憲大夫刑曹判書兼知經筵義禁府事同知春秋館成均館事五衛都摠府都摠管 驪興 閔泳緯 序

## 甲辰譜序文

人之有氏譜而譜以爲寶者何哉蓋敦宗睦族之誼而疎者近親者親豈不重且大歟噫惟此月城崔氏則余之外戚也而曾有先父兄之文字又有子弟之添錄不啻外戚先誼自別故余以拙焉無文敢將畧舉其實夫文昌公我東方理學之宗祖而其後孫元甫公殷含文貞公承老順恭公齊顏和叔公玄祐諸公問學繼世唱大盍不欣欽者乎及 我朝觀稼亭清赫世後杜門屏跡退居豐壤之義判書公確 宣祖平亂之功忠毅公夢亮 仁宗時罵賊不屈一時忠節何其卓卓耶自新羅以來文章道德守義忠節世不乏絕近代又有叅判公商翼監司公重泰繼世清白之意人人難爲家家不存誠可模矣雖千萬世之後崔氏之家聲長露未沒矣其感一也嗚呼余不敢此論而先人文字存焉故不計其陋又緣九寸戚叔正柱來請拙文故敢汗顏語之穉道來跡于崔氏之譜中以俟後誼

歲甲辰仲冬（一八四四年）

通訓大夫行靈山縣監 南陽 后人 洪在應 謹序

## 乙未譜序文

人必有族族必有譜譜之爲義在乎明系統辨昭穆也尊尊親親之義斯爲大矣必世而修之乃系統明而昭穆辨也宋明大儒之世次舛錯高曾失名果不爲今日之所鑑乎此重刊之所以設也然系統之不可不明乃譜家之第一大所慎重者也昔瑯琊王氏自謂出於王子真蘭陵蘇氏自云出於蘇武誣託名人求以自重不

亦誤乎惟我姓崔而貫慶者斷自文昌侯爲鼻祖而以上不足足信也近日妄說無或近於王蘇之謂耶粵正廟丁酉初刊歷七次所刊既皆以是爲準的而名公巨鄉諸先生序文昭載於古譜一覽既足爲吾宗文獻而爲世所重何必乃爾今於重刊之日一遵舊規而不可易是役也始於甲午仲夏功成於乙未季冬總九卷簡而致詳系統昭穆瞭然如示豈不躋歟夫人知譜事之爲重而不知所重之在何何以言之克明先德先德隆盛而後裔替則其不類於芝變茅而蘭變蒿乎族叔緩自蚤歲慨然乎先德之晦常以發明尊聖斥佛之有功於斯道爲一大任克將去洵可謂知所重矣知所先務矣凡我同譜僉宗盍相勗勉哉於是乎序

先祖誕生一千九十九年乙未仲春（一九五五年）

後孫 錫九 謹序

### 戊戌譜序文

夫萬物本乎天人本乎祖蓋生人之始也而尊祖敬宗愛親睦族人之本務也然世益遠而派漸分替然不相知則修譜之役烏可闕乎譜牒既立則世系自明而倫義正嚴則人心敦厚者無不在是焉惟我慶崔新羅蘇伐大人六部之一而三韓之古家羅麗之盛族也鼻祖文昌侯倡明道學俎豆聖廡以後碩儒節義輝赫朝野高車大纛繼述於世俱著顯于史乘祖先之重道卓烈世人舉慕也我譜正廟丁酉始創而亘于今八刊先人之鴻業燦然欽尚者也然今值世之東西混居國之南北分裂教殘道廢同根之生各分路人一祖之孫相視吳越者吾崔之一大不幸而不肖常慨然於斯矣去丁酉春僉宗詢謀收宗合譜之義編修此譜誠吾崔之一大盛役也僉宗以我巨族花樹之重意盡其心鳩其財積勲於二載詳考東史互參舊譜刪繁取要合編爲十冊惟願諸宗今日之譜成爲幸益勉孝悌則吾崔門之昌大可期矣烏不美哉不肖猥叅首任修譜印訖之日僭構蘇譜之意畧綴數語敢寓喜幸之意云



文昌侯誕降後一千百三年戊戌冬（一九五八年）

後裔

憲永

謹序

崔致遠

字孤雲號海雲一曰字海夫號孤雲沙梁部人 新羅

憲安王丁丑AD八五七年生先生美風儀精敏好學年十二隨海舶入唐尋師力學唐

僖宗乾符元年甲午登第時年十八調漂水縣尉遷侍御史內供奉 賜紫金魚袋為都統高駢從事作黃巢

檄書巢見檄墮床由是名動天下年二十八奉

帝詔翌年還本國

憲康王留為侍讀兼翰林學士兵部侍郎知瑞書監事先生欲展所蘊而朝庭多疑忌出為富城泰山天嶺等

郡太守

真聖主甲寅進時務十餘條 主嘉納之拜阿殮

先生自西遊東還皆值世亂無復仕進意自放山水間營臺榭植松竹枕藉書史嘯咏泉石遍觀東國名勝

晚隱伽倻山以終高麗

顯宗庚申追 贈內史令從祀 文廟至癸亥 贈諡文昌侯鰲山上書莊狼山讀書堂至今宛然有桂苑筆

耕二十卷文集三十卷中山覆篋集五卷經學隊仗三卷唐書藝文志載四六集一卷行于世

享慶州西岳書院泰仁武城院出三國史記高麗史名臣列傳

配羅州羅氏承相業女

慶州崔氏世譜

總編

致遠 二世

殷舍

은합

唐乾符戊戌八七八年生

新羅元甫 久而無子禱而生子承老則

麗太祖十年丁亥九一七年也

然則元甫公少文昌侯二十一歲承老少元甫公四十九歲而於文昌侯小於七十歲按舊譜少元甫公或為始初或記孫欄或置子欄而不書子字皆未能博考年代故也今考其年代則公為文昌侯之子無疑

三世

子承老

승노

三國遺史承魯門下侍中平章事封清河侯食邑七百戶

○公聰敏好學年十二高麗

太祖召見使讀論語嘉之 賜

塩盆拜隸院省學士 賜鞍馬例食二十碩自是委以文柄歷事

太惠定光景成六朝

成宗元年九八二年壬午公論時政得失二十八條以斥佛崇儒為第一義高麗

太祖十年九二七年丁亥生

成宗八年九八九年己丑五月日卒 壽六十三

贈太師大匠內史令諡文貞

贈賻布一千疋麵三百碩粳米五碩乳香一百兩腦原茶二百角大茶一十斤

穆宗元年九九八年戊戌配享成宗廟

德宗二年一〇三三年癸酉加贈內史令 ○詳見高麗史東史及三國遺史又百科辭典人物編

配位姓氏及墓所不傳

四世

子肅

숙

門下侍中平章事諡仁孝 顯宗十八年一〇三三年癸酉贈太師

宣宗三年一〇八六年丙寅避文宗諱改諡忠懿

配位姓氏不傳

五世

子齊顏

제안

高麗大匠門下侍中諡順 恭歷事 顯德靖文四朝 顯宗十七年一〇二六年丙寅

為太子右庶子庚午為中樞使

德宗三年一〇三四年甲戌為戶部尚書是年 靖即位為

吏部尚書左僕射丁丑為叅知政事癸未為門下侍郎同

內史門下平章事丙戌八月庚申

文宗即位召公及崔冲論時政得失十一月戊子公病篤

文宗親臨問病公俱冠服拜謝 翌日卒一〇六四年

文宗憫惜殊甚授朝三日 宣祖三年一〇八六年丙寅

贈太師中書令配享 文宗廟 詳見麗史

配位姓名不傳

六世

子繼勳

見下

子文勳

見下

子尚勳

見下

子儀

의

吏部尚書門下侍中 配金寧郡夫人金氏 尚書廉女

子周

주

文科右僕射封清城侯高麗 成宗四年九八五年乙酉生 配鵝林金氏 侍中順雄女

子奇遇

見下

女朴 帽

鵝林君后朴光康諡文惠光